



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 148. Quomodo in peccatis contra praecepta Ecclesiae.

urn:nbn:de:hbz:466:1-42624

n. 5. qui cum aliis putat esse contra religionem & reverentiam illi statui debitam.

1099 §. 5. Si detractio sit scandalosa aut damnosa in bonis fortunæ, additur nova species contra charitatem vel iustitiam respectu juris ad bona fortunæ, ideoque hæc erunt in confessione addenda.

1100 §. 6. Susurratio, quâ detrahendo pax turbatur & causatur divulsio animorum, differt specie à detractioe, quia specialiter opponitur charitati.

1101 §. 7. Contumelia, quâ præsentem in faciem detraho, addit novam speciem, secundum dicta l. 3. p. 2. n. 1226. unde si lædebas famam alicujus absentis, & eo superveniente pergas eam lædere, sunt duo specie peccata, nempe detractio & contumelia, quia per contumeliam rapitur honor, per detractioem tollitur fama, quæ, quomodo distinguantur, dictum est l. 3. p. 2. à n. 1191.

1102 Q. 148. *Quomodo distinguenda sit species in peccatis contra præcepta Ecclesiæ.* R. §. 1. Eiusdem speciei est die festivo exercere servilia & forensia, hinc qui uno festo serviliter laboravit & altero tulit sententiam in iudicio, satisfacit dicendo, bis per opus prohibitum graviter inhonoravi diem festum.

1103 §. 2. Sive sit Dominica sive festum, item sive sit festum majus sive minus, non ideo mutatur species, hinc qui die Paschæ & die S. Laurentii non audivit Missam, vel serviliter laboravit, satisfacit dicendo, bis die festivo non audivi Missam, vel serviliter laboravi.

1104 §. 3. Violatio jejunii per comestioem carniū distinguitur specie à violatione per comestio-

Confessionem ovorum aut lactiniorum, ubi horum comestio est prohibita, quia per illas duas leges intenditur & per violationem impeditur notabiliter diversa mortificatio carnis. Item violatio per comestionem carniū distinguitur specie à violatione per multiplicem comestionem, unde qui uno die jejunii sumpsit unicam refectiōem in carnibus, & altero sumpsit duas refectiōes in piscibus, non satisfacit dicendo, bis graviter fregi jejunium, sed addere debet, quod semel in carnibus, *Sanch. Oviedo*
De pecc. contr. 5. n. 25.

§. 4. Violatio jejunii in vigilia S. Matthiæ ¹¹⁰⁵
incipiente in quadragesima & quatuor temporibus, & simul in die Veneris, est unicum etiam numero peccatum secundum dicta l. 5. n. 137.

§. 5. Violatio ejusdem jejunii ab Ecclesia ¹¹⁰⁶
præcepti, à Superiore imperati, à Confessario pro poenitentia injuncti, ex voto debiti, habet quatuor specie malitias, ut dictum est l. 5. n. 135. De peccatis contra præceptum Communionis & Confessionis dicetur à n. 1116.

Q. 149. Quomodo distinguenda sit species in peccatis circa Sacramenta & personas ecclesiasticas. ¹¹⁰⁷
R. Præter sparsim dicta, notanda sunt seqq. §. 1. An contrahat duas specie malitias, qui post susceptum Baptismum & Confirmationem deficit à fide, dictum est n. 980. An autem peccet graviter, qui ideo confitetur, ut Confessario furetur rem levem, dictum est n. 1091.

§. 2. Probabilius videtur, omnem illum ¹¹⁰⁸
peccare mortaliter, per se loquendo, qui Sacramentum conficit in mortali, secundum dicta l. 6. p. 1. n. 91. Is verò, qui in mortali suscipit Sacramentum vivorum, etiam peccat mortaliter.